

**MINISTARSTVO UNUTRAŠNJIH POSLOVA KANTONA SARAJEVO – UPRAVA
POLICIJE, La Benevolencija br. 16, koju zastupa policijski komesar Generalni inspektor
policije Fatmir Hajdarević, (u daljem tekstu: Ugovorni organ)**

**i
SHOT d.o.o., Zmajevačka cesta 55C, 72000 Zenica, ID broj: 4218126090005 kojeg zastupa
Vedran Ključanin, direktor (u daljem tekstu: Dobavljač)**

UGOVOR O NABAVCI USLUGA SERVISA UREĐAJA ZA IZRADU FOTOGRAFIJA

Član 1.

Predmet ovog ugovora je nabavka usluga servisa uređaja za izradu fotografija za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem konkurentskog zahtjeva za dostavu ponuda, na osnovu Odluke broj 02-11-4-2699/25 od 06.05.2025. godine.

Ugovor se zaključuje u skladu sa uslovima iz tenderske dokumentacije, ponudom Dobavljača broj 25-098-KT-5 od 23.05.2025. godine koja je sastavni dio ovog ugovora.

Član 2.

Ukupna vrijednost ovog ugovora iznosi 7.890,00 (sedamhiljadaosamstotinadevedeset i 00/100) KM bez PDV-a.

Usluga će se izvršiti po cijenama i uslovima iz ponude Dobavljača.

Dobavljač se obavezuje da se cijene iz Ponude neće mijenjati do isteka ovog ugovora.

Član 3.

Usluga servisa iz člana 1. će se vršiti u službenim prostorijama Ugovornog organa, na adresi o kojoj će Dobavljač biti obaviješten pismeno putem pisane narudžbe. Iznimno, usluga servisa će se vršiti u servisu Dobavljača, ovisno o vrsti usluge koju je potrebno izvršiti.

Dobavljač se obavezuje:

- da će savjesno, ažurno i u skladu sa pravilima struke obavljati usluge servisa uređaja;
- da raspolaže sa uređajima i opremom neophodnom za servisiranje i opravku;
- da je osoblje servisa osposobljeno za rad na servisiranju;
- da će usluge vršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Član 4.

Dobavljač se obavezuje da će ugovorenu uslugu iz člana 1. ovog ugovora izvrši u roku od 45 (četrdesetpet) dana od dostavljanja pisane narudžbe, započevši najranije nakon obostranog potpisivanja ugovora.

~~Nakon izvršene usluge koja je predmet ovog ugovora vrši se kvalitativno - kvantitativna primopredaja, uz sačinjavanje radnog naloga.~~ Radni nalog treba da sadrži: naziv firme, adresa, kontakt, broj, datum, vrstu uređaja, nalogodavac, sve izvršene radnje, zamjenjeni/ugrađeni rezervni dijelovi, utvrđivanje kvara, otpis (davanje prijedloga), potpis Dobavljača i potpis ovlaštenog predstavnika Ugovornog organa. Radni nalog se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačinit će se zapisnik o reklamaciji.

Član 5.

Usluga iz člana 1. ugovora će se smatrati uredno izvršenom tek kada bude konstatovano da je primopredaja izvršena bez primjedbi. Dobavljač je dužan nakon servisa uređaja za izradu fotografija NORITSU model 3901G izvršiti testiranje funkcionalnosti uređaja, i uređaj osposobiti za ispravno funkcionisanje u svakodnevnom radu sa istim.

Dobavljač se obavezuje priznati reklamaciju na kvantitet i kvalitet usluga, koja će biti praćena zapisnikom, uz obavezno navođenje nedostataka izvršene usluge i datuma i broja računa Dobavljača kako bi se zadovoljili uslovi reklamacijskog roka.

Isto se odnosi i ukoliko se greške uoče za vrijeme važenja garancije iz člana 7. ovog ugovora.

Sve troškove reklamacije snosi Dobavljač.

U slučaju osnovanih primjedbi na ispunjenje ugovorenih obaveza Dobavljača, Dobavljač je dužan da o svom trošku učini sve da te nedostatke otkloni u roku od 7 (sedam) dana od dana sačinjavanja zapisnika o reklamaciji.

Član 6.

Ugovorni organ će ugovorenu cijenu plaćati Dobavljaču u roku od 30 (trideset) dana od dana uredno izvršene usluge i dostavljanja pojedinačne fakture na tekući račun Dobavljača.

Član 7.

Garantni rok za izvršene usluge je minimalno 6 (šest) mjeseci i počinje da vrijedi od datuma izvršenja usluge.

Garantni rok na ugrađene dijelove, u sklopu servisiranja uređaja, prema uputstvu proizvođača, je minimalno 6 (šest) mjeseci od dana izvršenja usluge servisiranja/ugradnje i počinje da vrijedi od datuma servisiranja/ugradnje.

Član 8.

Ukoliko Dobavljač ne postupi ni u naknadno ostavljenom roku iz člana 5. ovog ugovora Ugovorni organ će jednostrano raskinuti ovaj ugovor, te tražiti naknadu nastale štete. O otkazu ugovorne strane se obavještavaju pismenim putem.

Ugovorni organ zadržava pravo raskida ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 9.

Dobavljač je dužan sačiniti i dostaviti Ugovornom organu račun uz koji dostavlja radni nalog sa specifikacijom ugrađenih dijelova, navedenim izvršenim uslugama, normirano vrijeme koje je utrošeno za servis uređaja.

Član 10.

U slučaju kašnjenja u izvršavanju usluga, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene usluge, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani dobavljač nije mogao uticati niti ih predvidjeti.

Član 11.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 12.

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga ugovora, odnosno od početka realizacije ugovora.

Član 13.

Ugovorne strane mogu raskinuti ovaj ugovor i prije njegove realizacije, ukoliko se jedna strana ne bude pridržavala njegovih odredbi, uz prethodno izmirenje svih obaveza utvrđenih po ovom ugovoru. Otkazni rok je 15 (petnaest) dana, a po isteku ovog roka ugovor se smatra raskinutim. O otkazu ugovorne strane se obavještavaju pismenim putem.

Ugovorni organ zadržava pravo raskida ugovora ukoliko isporučena usluga i izvršeno servisiranje u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 14.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 15.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


Član 16.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 17.


Ugovor stupa na snagu danom potpisivanja ovlaštenih predstavnika i traje do realizacije ugovorenih obaveza ugovornih strana.


DOBAVLJAČ
SHOT d.o.o. Zenica


direktor Vedran Ključanin



UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Fatmir Hajdarević



Broj: 25-058-KR1
Datum: 21. 07. 2025.

Broj: 02-11-4-2699-7/25
Datum: 08.07.2025. godine